

REFERAT TAA - Teknikkeqarnermut Avatangiisinullu Ataatsimiititaq d. 24-09-2025

Mødedato Onsdag d. 24. september 2025 kl. 19:00

Mødested Kommunalbestyrelsep ataatsimiittarfiani

Indholdsfortegnelse

Saqqa.....	3
Oqaluuserisassat akuersissutigineqarneri.....	4
Nalunaarutit.....	6
Illoqarfiup ilaanut pilersaarutip 4B1-3-B Naternaq pillugu inaarutaasumik akuersissutigineqarnera..	8
Illoqarfiup ilaanut pilersaarutip 4B5-2-B Isuliffik pillugu inaarutaasumik akuersissutigineqarnera...	11
Kalaaliaqqap nutarternissaa.....	14
Piffissami killilimmi immikkoortup ilaani 3D7 saunagusimut aamma spamut nunaminertamik atuga	16
Kommunip "Ungaaq"-mi errorsisarfia, B-1386.....	19
Lukket.....	22
Tamalaat.....	23
Imaqarniliap akuerineqarnera.....	25

Punkt .: Saqqaa

Ilaasortat:

Uju Petersen (IA), formand

Nitta-Lyberth-Mørch (IA)

Arnanguak Steenholdt (IA)

Peter Davidsen (S)

Mala Høy Kúko (S)

Beslutning

Ataatsimeeqataasut:

Uju Petersen (IA), siulittaasoq

Nitta Lyberth-Mørch (IA)

Alex Hermansen (D) er suppleant for Arnanguak Steenholdt (IA)

Peter Davidsen (S)

Attaveqaatitigut peqataavoq:

Mala Høy Kúko (S)

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Nalunaaruteqanngilaq.

Punkt 1: Illoqarfiup ilaanut pilersaarutip 4B1-3-B Naternaq pillugu inaarutaasumik akuersissutigineqarnera

Beslutning

Inassuteqaat akuersissutigineqarpoq.


Bilag

Tusarniaanermut akissutininik suliaqarneq

Tusarniaanermi akissutit tiguneqartut

Allannguutininut takussutissaq

Illoqarfiup ilaanut pilersaarut 4B1-3-B Naternaq pillugu



Illoqarfiup ilaanut pilersaarutit 4B1-3-B Naternaq pillugu inaarutaasumik akuersissutigineqarnera

Aalajangiiffigisassaq

SagsID.: EMN-2025-00493

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu Ataatsimiititaq inassuteqaatigineqarpoq:

1. Naternaq eqqaaniittoq pillugu illoqarfiup ilaanut pilersaarut 4B1-3-B akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit illoqarfiup ilaanut pilersaarutit siunnersuut 4B1-3-B Naternaq matumuuna saqqummiunneqarpoq..

Illoqarfiup ilaanut pilersaarut 4B1-3-B Naternaq sapaatip-akunnerini arfinilinni tamanut tusarniaassutigineqarpoq, piffissami 11.06.25-mit 23.07.25-p tungaanut. Piffissami tusarniaaffiusumi tusarniaanermut akissuteqaatit arfineq marluk tiguneqarput, taakkulu oqaaseqatigiinnik allannguuteqartitsinermik kinguneqartitsinngillat.

Immikkoortup ilaa 4B1-3 inuussutissarsiorfittut atugassiussutigineqarpoq aamma 12 hektarit missaannik annertussuseqarpoq. Immikkoortoq illoqarfiup immikkoortuani Qinngorput inissisimavoq. Matumani illoqarfiup ilaanut pilersaarut immikkoortup ilaanut B-mut atuuppoq. Illoqarfiup ilaanut pilersaarummi matumani siunertarineqarpoq, Nuummi inissiivimmik ataatsimoortumik aamma siunissamat qulakkeerinnissutaasumik pilersitsisoqassasoq. Illoqarfiup ilaanut pilersaaruseriusoq 1 hektar-imik angallatinut inissiiviereersoq ataatsimoortillugu annertuneruvoq. Alliliinermi siunertarineqarpoq inissiivissanik assigiinngitsunik amerlasuunik piuaneruleneq aaqqiissuteqarfiginissaa aamma inissiivissat siunissami periarfissaqartinnissaat qulakkeerneqarnissaat. Siunnersuummi immikkoortoq atugassanngortinniarneqarpoq taamaalilluni inissiivik aaqqissuussaalluartumik aamma ajornanngippat torersumik ingerlanneqassamat.


Matumani illoqarfiup ilaanut pilersaarutit 4B1-3 B-p akuerineqarneratigut aalajangersakkanik atuuttunik atorunnaarsitsisoqanngilaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi immikkoortumut pilersaarummik siunnersuummik suliaqarnissami ukioq naallugu suliffiit 1/4 pisariaqartinneqassasut nalilerneqarpoq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Pilersaaruserneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunitut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Allannguutininut takussutissaq
4. Illoqarfiup ilaanut pilersaarut 4B1-3-B Naternaq pillugu

Punkt 2: Illoqarfiup ilaanut pilersaarutip 4B5-2-B Isuliffik pillugu inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Allannguutitut takussutissaq

Illoqarfiup ilaanut pilersaarut 4B5-2-B Isuliffik pillugu



Illoqarfiup ilaanut pilersaarut 4B5-2-B Isuliffik pillugu inaarutaasumik akuersissutigineqarnera

Aalajangiiffigisassaq

SagsID.: EMN-2025-00492

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu Ataatsimiititaq inassuteqaatigineqarpoq:

1. Isuliffik eqqaaniittoq pillugu illoqarfiup ilaanut pilersaarut 4B5-2-B akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit illoqarfiup ilaanut pilersaarutit siunnersuut 4B5-2-B Isuliffik matumuuna saqqummiunneqarpoq.

Illoqarfiup ilaanut pilersaarut 4B5-2-B Isuliffik sapaatip-akunnerini arfinilinni tamanut tusarniaassutigineqarpoq, piffissami 11.06.25-mit 23.07.25-p tungaanut. Piffissami tusarniaaffiusumi tusarniaanermut akissuteqaatit qulingiluat tiguneqarput, taakkulu oqaaseqatigiinnik marlunnik allannguuteqartitsinermik kinguneqarput.

Immikkoortup ilaa 4B5-2 inuussutissarsiorfittut atugassiissutigineqarpoq aamma 9 hektarit missaannik annertussuseqarpoq. Immikkoortoq illoqarfiup immikkoortuani Qinngorput inissisimavoq. Matumani illoqarfiup ilaanut pilersaarut immikkoortup ilaanut B-mut atuuppoq. Nuummi inuussutissarsiateqartut illoqarfiup sinneraniittut assigalugit ineriartorfiupput, inuussutissarsiateqartunullu nunaminertanik noqqaasoqarpoq. Kommuneqarfik Sermersuumi Kommunalbestyrelsimit Kommunimut pilersaarut 2036 aqqutigalugu pingaartinneqarpoq, Nuummi inuussutissarsiateqartut pitsanngorsaaviginissaat periarfissaannillu siursaaviginissaat, tassunga ilanngullugit aallarnisaasut. Illoqarfiup ilaanut pilersaarut una aqqutigalugu suliamut iluaqtaassaaq.


Illoqarfiup ilaanut pilersaarummi, 4B5-2 Isuliffik, immikkuualuttoq B inuussutissarsiornermut atugassiissutigineqarpoq. Immikkoortup inuussutissarsiorfiusup allineqarneranut atasumik sanaartorfissat 9-t atugassanngortinneqassapput suliffeqarfinnut mikisunut akunnattumillu angissusilinnut naatsorsuussat, taamaattumik sanaartorfissat angissusiat aamma taakkununga sanaartornermi atortussat atuuttut.

Ingerlatsivimmit aningaasatigut sulisoqarnikkullu naliliinerit

Ingerlatsivimmi immikkoortumut pilersaarummik siunnersuummik suliaqarnissami ukioq naallugu suliffiit 1/4 pisariaqartinneqassasut nalilerneqarpoq.

Missingersuusiornermut naatsorsuusiornermullu immikkoortortamit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Pilersaarusionerq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunitut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Allannguutinut takussutissaq
4. Illoqarfiup ilaanut pilersaarut 4B5-2-B Isuliffik pillugu

Punkt 3: Kalaaliaqqap nutarternissaa

Beslutning

Inassuteqaat akuersissutigineqarpoq.

Bilag

Kalaaliaqqap tigunissaanut kissaatit piumasaqaatillu pillugit NAPP-mit allagaq

Kalaaliaqqap Tamakkiisumik nutarternissaanut Inuplan-imit pilersaarutitut siunnersuut

Uumasut Nakorsa qarfiannit pilersaarutitut siunnersuut pillugu oqaaseqaatit



Kalaaliaqqap nutarternissaa

Ingerlatsinermik NAPP-mut tunniussineq

Aalajangiiffigisassaq

SagsID.: EMN-2025-02444

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu

Ataatsimiititamut inassuteqaatigineqarpoq:

1. Kalaaliaqqap tamakkiisumik nutarterneqarnissaa pillugu Aalisarnermut siunnersuisooqatigiit inassuteqaataat akuerineqassasoq
2. Kalaaliaqqap tamakkiisumik nutarterneqarnissaa pillugu pilersaarutitut siunnersuut 2026-mut missingersuutitut pillugit isumaqatiginninniarnernut ilanngunneqassasoq
3. suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu oqaluuserisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit Kalaaliaqqap ingerlanneqarnera NAPP-mut neqeroorutigineqarpoq. Saqqummiussaq imaappoq, NAPP-mit ulluinnarni Kalaaliaqqap ingerlanneqarnera tiguneqassasoq kommunimit ingerlatsinermut tapiissutinik pissarsinissamut periarfissaqartumik. Kalaalaraq tiguneqassappat piunasaqaatinik aamma pitsanngorsaaniissamut kissaatitik nutarternissaanillu NAPP-mit nalunaartoqarpoq. NAPP-mit ataatsimut kissaatigineqarpoq illu maannamut naleqqunnerusoq, eqqiluinnerusoq aamma eqaannerusumik sulliviusinnaasoq (ilanngussaq 1). Kingornatigut Aalisarnermut siunnersuisooqatigiit ataatsimiinnerminni ulloq 19. juuni 2025 aalajangerput pilersaarutitut siunnersuut "Kalaaliaqqap Tamakkiisumik nutarterneqarnissaa" oqaluusereqqitassanngorlugu inassuteqaatigineqassasoq. Uumasunut Nakorsaaneqarfimmiit pilersaarummut siunnersuutit oqaaseqarfiginiartussaagaluarpaat oqaaseqaatissaqarsimanatillu, kisianni piniakkanik suliarinninnissamut kiisalu pitsaanagerusunik anartarfeqarnissamut ininik immikkoortoqarnissaa pillugu siunnersuut taperserpaat.

Ingerlatsivimmit aningaasatigut sulisoqarnikkullu naliliinerit

"Kalaaliaqqap tamakkiisumik nutarternissaa" pillugu pilersaarutitut siunnersuut 9.5 mio kr.-nik C-mi missingersuutitaqarpoq. Pilersaarut sanaartugassatut kissaatitut qinnutigineqassaaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Inuussutissat pillugit Inatsisartut inatsisaat
- Sinerissap qanittuani aalisarneq pillugu immikkoortumut pilersaarut

Ilanngussat

1. Kalaaliaqqap tiginissaanut kissaatit piunasaqaatillu pillugit NAPP-mit allagaq
2. Kalaaliaqqap Tamakkiisumik nutarternissaanut Inuplan-imit pilersaarutitut siunnersuut
3. Uumasut Nakorsaqaarfiannit pilersaarutitut siunnersuut pillugu oqaaseqaatit

Punkt 4: Piffissami killilimmi immikkoortup ilaani 3D7 saunagusimut aamma spamut nunaminertamik atugassiissut, Nuuk

Beslutning

Inassuteqaat akuersissutigineqarpoq.

Bilag

Nunap assinga maannakkut inissisimaffia aammalu siunissami inissisimaffissaatut siunnersuut

Akerliliissutit tapersiillunilu nalunaarutit

2. septembari 2024-mi ataatsimiinnermit imaqarniliaq

Piffissami killilimmi immikkoortup ilaani 3D7 saunagusimut aamma spamut nunaminertamik atugassiissut, Nuuk

Saunagus allamut nuunneqarnissaa

Aalajangiiffigisassaq

SagsID.: BOG-2022-01952-007

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu

Ataatsimiititamut inassuteqaatigineqarpoq:

1. saunagus allamut nuunneqarnissaa pillugu suliap ingerlanneqarnissaa akuerineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Ingerlatsivik ulloq 3. aggusti 2023 sukisaarsaartarfinni illut mikinerusut sukisaarsaartarfimmik atuinermut tapertaasinnaasut akuerineqarnissaat tunngavilersuutigalugu saunamik inissinissamut piffissamik killiligaasumik nunaminertamik atugassiivoq. Nunaminertamik atuinissamik akuersissut 4. juuli 2025 atorunnaarpoq aammalu eqqaani najugalinnit akerliliissutit tunngavigalugit ingerlatsivimmit nunaminertamik atuinissamik akuersissut sivitsorniarneqanngilaq.

Suliaq ulloq 2. septembari 2024 Teknikkimut Avatangiisinullu Ataatsimiititami sularineqarpoq, tassanilu aalajangiunneqarluni, ingerlatsivimmit nunaminertamik atuisussaataasooq oqaloqatigineqassasoq eqqaani najugaqartunut akornusersuutaasinnaasut pinngitsortinniarlugit aaqqiissutissanik ujartuisoqarnissaa anguniarlugu.

Nunaminertamik atuisussaataasup oqaloqatigereerneratigut ingerlatsivimmit siunnersuutigineqarpoq, saunagus maannakkut inissisimaffianiit allamut nuutinneqassasoq Borgmester Anniitap Aqquserngata kangerliumanertanut (takuuk ilanngussaq 1). Nuussinermut atatillugu aningaasartuutissat qanoq amerlassuseqarnissaat pillugu neqeroorutiniq pissarsisoqarpoq, neqeroorut malillugu 215.000,00 koruuninik akeqartussaavoq. Ingerlatsivimmit nalilernerqarpoq, nuussisoqarneratigut naammagittaalliutit tiguneqartut akuerineqassasut peqatigitillugulu putsumik akornusersuutaasut peerneqarlutik. Nalilersuinermit tunngavigineqarpoq, inissisimaffissaatut siunnersuutigineqartoq avinngarusimasumiittoq taamaasillunilu illunit allanit immikkoortumiilluni. Ingerlatsivimmit inissisimaffissaatut siunnersuut Greenland Airports International A/S-imut nassiunneqarpoq, taannalu akerliliissuteqaranilu oqaaseqaateqanngilaq.

Suliassamik saqqummiussap matuma akuerineqarneratigut suliap ingerlaqqinnissaa tassaassaaq:

1. Nunaminertamik nutaamik atuinissamik siunnersuutip tamanut tusarniaassutigineqarnissaa
2. Tusarniaanermi annertuunik akissuteqaateqartoqanngippat, ingerlatsivimmiit saunagusimut inissiiffissatut siunnersuutigineqartumi ataavartumik nunaminertamik atuinissaq akuersissutigineqassaaq.
3. Kommuneqarfik Sermersooq nuussinissami ikiuunnissamut atatillugu aningaasartuuteqarnissamik pisussaattippoq

Eqqaamiunut akornutaaneranut allaaserineqartut pissarsiarisat tunngavigalugit ingerlatsivimmit innersuussutigineqarpoq Borgmester Anniitap Aqquserngata kangerliumarnganut saunagus nuutinneqassasoq. KPT 3E5-6 Nuuk.

1. Immikkoortumi putsumik pujorfigitinnerup peerneqarnissaa
2. Inissiiffissaq alla atorineqassasoq, avinngarusimasumiinnerusoq

Ulloq 04. marsi 2025 Ingerlatsivimmit Greenland Airports International A/S-imit tusarniaanermut akissummik tigusaqartoqarpoq imaattumik imalimmik tusarniaassummut oqaaseqaatissaqartoqanngitsaq.

Ingerlatsivimmit aningaasatigut sulisoqarnikkullu naliliinerit

Suliamik suliarinnineq naammagittaalliut aammalu eqqaamiorisanut tusarniaaneq ilanngullugu nalilerneqarpoq ukioq tamaat sulisut sulinerannik sullissisut aamma aqutsisut agguarlugit 1/6-mik naleqartoq. Saunagusimik nuussineq, sanasumit neqeroorut naapertorlugu, 215.000,00 koruuninik akeqassaaq, tamannalu saunagusimik piginnittumit Kommuneqarfik Sermersuumit akilerneqassasoq kissaatigineqarpoq.

Missingersuusiortnermut Naatsorsuusiortnermullu Immikkoortortamit aningaasatigut naliliineq

Missingersuusiortnermut naatsorsuusiortnermullu immikkoortortaqarfimmit nalilerneqarpoq saunagusimik nuussineq kommunimit aningaasalersorneqassanngikkaluartoq, kisianni nuussinissamut tunngasorpiaq pillugu suliap ingerlanneqarnissaanut oqaaseqaatissaqartoqanngitsaq. Aalajangiunneqarpat 215.000 koruunit akilerneqassasut, ilassutitut aningaasaliissutit suliarinerannut atatillugu suliarineqarsinnaavoq, maannakkut suliasamut taamaattumut missingersuusiortoqannginnera pissutigalugu.

Inatsisitigut tunngavissaq allakkallu tunngaviusumik uppersaatillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarut nr. 4, 25. januaari 2024-meersoq
- Kommunimut pilersaarut digitaliusoq www.kp.sermersooq.gl

Ilanngussat

1. Nunap assinga maannakkut inissisimaffia aammalu siunissami inissisimaffissaatut siunnersuut
2. Akerliliissutit tapersiillunilu nalunaarutit
3. 2. septembari 2024-mi ataatsimiinnermit imaqarniliaq.

Punkt 5: Kommunip "Ungaaq"-mi errorsisarfia, B-1386

Beslutning

Pisariaqartitsineq malillugu errorsisarfimmik attassiinnarnissaq pillugu ingerlatsivimmit misissuisoqassaaq.



Kommunip "Ungaaq"-mi errorsisarfia, B-1386

Oqaluuserisassaq

SagsID.: EMN-2025-00656

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Teknikkeqarnermut Avatangiisinullu

Ataatsimiititamut inassuteqaatigineqarpoq:

1. Suliap ingerlariaqqinnissaa eqqartorneqassasoq

Suliassamik saqqummiussineq

Kommunip inissiaatissaanik attartortittakkanik nutaanik Ceresvejimi sanaartornermut atatillugu, kommunip Kongevej 5-imi tamanut errorsisarfiutaa isaterneqarpoq. Errorsisarfik Nuummi tamanut errorsisarfiutaaavoq. Meeqqeriviusimasumi "Ungaaq", B-1386, allermi errorsisarfimmik anginngitsumik pilersitsisoqarpoq. Nutsernermi errorsiviit sisamat, panersiiviit marluk aamma akiliisarfik ataaseq nuunneqarput. Illup "Ungaaq" sinnera angerlarsimaffeqanngitsunut unnuisarfiit atorneqarpoq.

Akiliisarfiit pigineqartut sanaartorunnaarneqarsimapput, aamma kingoraartissanik akiliinermullu kortinik pissarsiniarneq ajornakusoorpoq, taakku sanaartorunnaarneqarsimammata. Akiliinermut kortit pappialaapput, atoreerunik iginneqarsinnaasut. Akiliisarfik taarserneqassaaq kommune errorsinermut kortiutai nungutsinnagit, tamannalu ukiup ataatsip marlulluunniit iluini pissasoq nalilerneqarpoq. Akiliisarfiit massakkut pigineqartut akiliinermut kortitalit – atoneru unammillernartoqarsinnaavoq, immeeqqinnermi sullinneqarnissaaq pisariaqarmat. Errorsivinnut møntinik akiliisarneq errorsivinnik aserorterinermik tillinniarnermillu kinguneqartarnera ingerlatsivimmit nalaanneqartarpoq.

Nuummi massakkut errorsisarfiit namminersortunit pigineqartut marluk errorsisarfiupput. Taakku tassaapput Høyers vaskeri aamma Ulo Rengøring, siusinnerusukut Godthåb Dampvaskeri. Taamaattorli innuttaasoq nammineeeluni errorsisarfiinnut iserlutik errorsinissaminut periarfissaqanngillat, akiliilluni errortassat erroneqarnissaannut tunniunneqartarmata. Suliffeqarnermut Isumaginninnermullu Ingerlatsivik angerlarsimaffeqanngitsunut unnuisarfiimmi atuisunit errorsisarfiimik atuisarnersut aperineqarpoq kisianni unnuisarfiimmit akissutigineqarpoq unnuisarfik errorsisarfeqartoq taamaasilluni errorsisarfik atuisunit atorneqarneq ajortoq.

"Ungaaq" siunissami qanittumi isaterneqassaaq. Namminersorlutik Oqartussat toqqaviani qitiusumik kigutileriffilortoqarnissaanik pilersaaruteqarput. Namminersorlutik Oqartussanit nalunaarutigineqarpoq, sanaartorneq 2025-p naalernerani aallartinneqarsinnaasoq. Kommune tamanut errorsisarfiimik ingerlatsiinnassaguni taava siunertamut ininik naleqquttunik nassaartariaqarpoq.

Periarfissat ukuusinnaapput:

- Kommunip illuutigeriigaani allamik errorsisarfiimik naleqquttumik nassaartoqassasoq
- Kommunip tamanut errorsisarfeqartitsinera unitsinneqassasoq, suliffinnillu namminersortunit tamanut errorsisarfeqartitsineq tiguneqassasoq
- Errorsisarfiimik nutaamik sanasoqassasoq
- Kommunip inissianik attartortittakkanik sanaartornissaani atortulersuutit tamanit atorneqarsinnaasut / errorsisarfiit ilanngunneqartassasut



Kommune tamanut errorsisarfimmik ingerlatsinermik ingerlatitseqqiinnassanersoq isummerfigeqquneqarpoq.

Ingerlatsivimmit aningaasatigut sulisoqarnikkullu naliliinerit

Brugseni kisiat aqqutigalugu errorsinermut kortit, ataaseq 100 koruunilerlugu, tuniniarneqarput. Taakkuali errorsinermut kortinik 200 koruunilinnik taarserneqassapput, errorsinermut kortit taakkua ingerlatsiviup pigisatuarilermagit.

Ukiuni kingullerni pingasuni ingerlatsineq:

	2022	2023	2024
Isertitat / errorsinermut kortinik tuniniaaneq	68.000 kr.	19.000 kr.	57.500 kr.
Aningaasartuutit	111.421 kr.	160.363 kr.	226.114 kr.
KATINNERAT	-43.421 kr.	-141.363 kr.	-168.614 kr.

Akiliisitsisarfik nutaaq aamma kortimik akiliinermut atortoq aningaasaliiffigineqassapput.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq.

Ilanngussat

Soqanngilaq.

Punkt 6: Lukket

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 17.10

